

tionibus VVLTEII in *l. 1. n. 96. C. de iurisd. omn. iud. et lib. 1. cap. 4. n. 56. de Iudiciis*, quo lectorem breuitatis studio remitto, Consiliarios hosce aut Legatos nullam habere iurisdictionem puto, non ordinariam, quia ordinatione vel lege illis data non est: Non etiam delegatam, quia vnus saltem Status delegare non potest iurisdictionem quam per se solus non habet in Reuisione, sed eam quam habet, habet in corpore vniuerso siue Collegio Reuisorum. Proinde Iurisdictione Reuisorum est vnica et in toto corpore siue Collegio ordinaria nec residet in personis singulorum. Hinc Consilarii siue Legati nihil aliud habent quam exercitium ordinariae iurisdictionis, quam is qui ipsum misit habet in Collegio: Quod exercitium iurisdictionis ab ipsa iurisdictione aliud est et quasi separatum, sicut et exercitium imperii meri aliud est ab ipso imperio mero, vti manifesto constat ex *l. 1. ff. de off. ei. cui mand. est. iurisd.* Collegii itaque Reuisorii semper ordinaria est iurisdictione, siue veniant Status ipsi quos ordo tangit siue Consiliarios suos mittant, quamuis exercitium eius eodem modo non semper expediatur.

§. IX.

Repraesentant Reuisores non tantum Imperatorem, sed et vniuersos Imperii Status: Cumque Camera etiam simili modo concurrente cum Imperatore et Statibus Iurisdictione polleat, paritas autem imperium renuat et par in parem non habeat potestatem per *l. 4. ff. de rec. arbitr. Nou. 23. c. 4. c. anteriorem. 2. q. 6. c. innotuit. X. de Electione.* non sine ratione quaeritur, quomodo Reuisores tanquam pares, sententias Iudicum Cameralium possint corrigere? Respondendum puto, quamuis vt dictum, concurrat Camera cum Imperatore in iurisdictione, hoc tamen singulariter limitatum esse, quoad Visitationem annuam et Iudicium Reuisorium: In his enim Commissarii Caesarei et Reuisores superioritatem ex ipsa lege Imperii sibi vendicant, non obstante quod par in parem non obtineat imperium siquidem limitationem patitur, vbi alter altero est maior in administratione. Sic vtique maior est Reuisorum autoritas in negotio Reuisionis quam Iudicis et Assessorum Camerae, quia Reuisores in id constituti sunt, vt sententias Camerales vel confirmant vel retractent, quibus Camera obsequi quoque tenetur
arg.